

## ĀDUNIYA KULU BƆRƆ DAAMA BEIYANIYOM

### SENNI ZIIGO

Ka simma nna buricinitɛɛ ka n bƆrƆ ɲwɛnɛ iyaali bei nna daama duuri ka bƆrƆ fɔ su hini ka hoɲu n sɛ ya bara bƆɲƆ duuri nna laakari kaniyom āduniya kuna,

Ka simma nna ka bƆrƆ daama duuri bara hɛi fɔ ka sariya hima a ma cɛruma ka bƆrƆ mƆrani nna tilaasi guruje nna mɛiyom bɛɛkɛtɛ nna kwɛnɛ bƆrƆ futu,

Ka simma nna naanɛ ka āduniya zamaa sariya nyâ dam daama duuri ga buricinitɛɛ nna bƆrƆ jirima bƆɲƆ nna kwɛnɛ daama ka a gono weibƆrƆ nna harubƆrƆ ciyom afɔ gonouom kuna,

Ka simma nna ka binɛ a hima gɔ rɔkasinɛ hɛnnɔ ma gono ganna nna ganna ɲmaaniyo binni n hānu kulu mƆɔjinɛ kweiyom dirɔu ga,

Ka simma nna ka āduniya zamaa diya mariga beeri, tabataniyom mɛɛfo ceejiyom ka n baa āduniya ganna zamaa kulu ma tɔ daama duuri hini ga nna a zaamani safu ɲwaani ɲwaani ka n damyom nna daama duuri ko ga a jirimani ko beiyom tɔntɔni ceeji a bƆɲƆ,

Ka simma nna ka āduniya zamaa marga beeri tutu ka nɲayo ba mɛɛ cinɛyo kulu cii kawa bƆrƆ ɲwɛnɛ āduniya daama duuri hini ga,

Ka simma nna ka mɛɛcinɛyo cimaniyo ya ba nam daama duuri gweiyo ma dira dei-dei,

āduniya zamaa marigā beiyani bƆrƆ ɲwɛnɛ daama duuri ādininya kuna gwei cirici ka a hima zaamani an kokari kă ci tɛɛntɛ n ɲmaarɛ ba mani za couyom hini kuna beiyom ceejiyom, ga, bƆrƆ kulu ma mɛɛ cinɛ di ci a ɲwɛnɛ ganna zamaayom kulu mɔ ma duwa ka geeri tila cirici wɔ ga. Za ganna ɲmaani ɲmaaniyom kuna hali an to āduniya zama kulu.

### ASARIYA SINTE (1)

Aduniya kuna n gu ibuna damayo hɛi nɔ dei-dei nn daama nna n burucinitɛɛ fɔ, n lasabu nna laakari ya nam nn mɔ huro cɛɛɛ kuna nyanze tɛɛɛ bƆɲƆ.

### ASARIYA HINKANTE (2)

Baa mɛi hima a ma gonna daama nna bƆɲƆɔ mɛiyom zaɲa ka daama bei beiyaniyom mɛɛ cinɛ na a siriyani dimi fisɔu yo ma sii. A sii nna n ma ci wɔ nɔ gaa kwaarɛ wɔ nɔ gaa bii wɔ nɔ weibƆrƆ wɔ nɔ harubƆrƆ.

A sii nna cinɛ fisɔuyom; a sii nna adiini fisɔuyom a binɛ sii nna siyasa fisɔuyom.

### ASARIYA HINZANTE (3)

BƆrƆ kulu gonna hunayom nna bƆɲƆɔ mɛiyom nna bƆɲƆɔ naanɛyom daama.

#### ASARIYA TAACINTE (4)

Bɔrɔ fɔ na hima an ci bɔrɔ fɔ sɛ tam dee binɛ n ma mɔɔriya bɛrɛkɛtɛ. A ganna nɔ n hoŋu tamtɛrɛ nna mɔɔriyayom bɛrɛkɛtɛ ba hini fɔ ga.

#### ASARIYA GUNTE (5)

N su bɔrɔ fɔ wahalani, n su ga cɛɛnani n binɛ su ga kamani.

#### ASARIYA IDDUNTE (6)

Sariya ganna baa mani bɔrɔ gono a hima an saria ganna.

#### ASARIYA IYENTE (7)

Iri kulu afɔ sariya mɔjinɛ ya nɔ binɛ sariya di gu iri kulu cɛruma.

#### ASARIYA AIYAAKUNTE (8)

Batumɛ gono bamɛi sɛ ɖɛɛ bɔrɔ na sariya daali n ma cɛɛ goosi sariyayo di mɔjinɛ ka yii ko beiyom.

#### ASARIYA EGANTE (9)

Hini sii bɔrɔ fɔ sɛ a ma hacinɛ dii ka daabu ɔu a ma gɛi, dee binɛ a ma kaa kwaara ka na cii taalifɔ bɔɲɔ.

#### ASARIYA WEINTE (10)

Hini gono bamɛi sɛ an goosi cɛ; goosi ka a ba hini ka a nɔ cimi ɔu a ma tãgarani a daama nna a tilasi bɔɲɔ.

#### ASARIYA WEICINIFONTE (11)

Ba n taali damyom nga se goosi ma a ciba n faaba kwɛ yo mɔjinɛ n ma du ka n ci taali kwɛ.

A sii na n ma bɔrɔ nɔ taali daa fɔ bɔɲɔ ka sariya dom na a jisi. Ya nɔ binɛ hãɲa gunguyom ka a bisa sasariya sii. Sariya zaka ya hima hãɲa gunguyom.

#### ASARIYA WEICINI HINKANTE (12)

Bɔrɔ fɔ su mɛɛ dam bɔrɔ fuu senni kuna bɛrɛkɛtɛ. Ya nɔ binɛ bɔrɔ fɔ sii nna a ma haɲjasinɛ jirima zobu. Sariya bamɛi cɛruma nna alaamari zaɲa yayo.

#### ASARIYA WEICINI HINZANTE (13)

Daama gono bamɛi sɛ a ma kwei nuɲu ka a baa kulu.

A ma gɔrɔ kwaara ka a sawayom a sɛ a ma tunu saa ka a binɛ baa.

#### ASARIYA WEICINI TAACINTE (14)

BamEi ka sanani na n gaari n kwaara kuna daama gono n sE n ma gana kwaara njaani ka hini ceeji n ma n ta yoo.

Daama di su go n daabu dee a bara nna bɔrɔ wii ɔu binE daa bEɛkEtE fɔ yo ka ɗduniya zamaa mariga beeri hoŋu.

#### ASARIYA WEICINI GUNTE (15)

BamEi kulu hima a ma gonna dimi.

N su hini ka hoŋu bɔrɔ sE a dimi takii bɔŋɔ.

#### Asariya weicini idunte (16)

Dee bɔrɔ kǎ tɔ balaga a sii nna ma dimi nna adiini fisɔu wei nna haru sE domi daama fɔ di nɔ n kulu gonna za n hiije waati hali n fefeyom saa.

N su hini ka hiije hɔu ka a na ci nna n bɔrɔ hinka kulu bakasinE.

Iyaali ya bara zaamani safu ci cirici a ganna nɔ gominanti ga a cEruma.

#### Asariya weicini iyente (17)

BamEi, n bɔŋɔ fɔ nɔ, noo zamaa nɔ, daama gono wɔ gonna duuri.

A sii n ma bɔrɔ gaŋa a duuri takii bɔŋɔ.

#### Asariya weicini iyaakunte (18)

BamEi kulu gonna daama lasabu, ga, diayom kuna nna adiini ganayom ga n binE ba hini ka baaru n bɔŋɔ fɔ ɔu noo zamaa ko ga loo zaŋa ka a sawa noo sE.

#### Asariya weicini Egante (19)

BamEi kulu gonna lasabu nna senni daama. A sE ganna nɔ bɔrɔ su ba hEifɔ senni ɔu lasabu ko dirigoyom hEi ka a binE ba senni kulu hini ka sei ba mani.

#### Asariya warankante (20)

BamEi kulu gonna kummayom nna igwe kuna gonoyom daama.

N su bɔrɔ tilasi igwe fɔ kuna wuroyom.

#### Asariya waranka cinifɔnte (21)

BamEi gonna daama a ma wuro a kwaara senni kuna a 𐤁𐤌𐤀 𐤁𐤌𐤀 a barani ka a fis𐤁𐤀.

Bamɛi kulu afɔ ɓɔɗɔ gonna daama a ma gwei tɛ a kwaara gominanti sɛ.

Hei ka zamaa zaa ya bara kwaara yiiko. Zaayom di mo bara ka nna a tɛtɛ biri.

Asariya waranka cini hinkantε (22)

Ni ka kulu n gono zamaa kuna hima nɔ n ma gonna zamaa di naanɛ daama. A ma du kɔ̃ bara n bukaata mɔ̃ biyayom zaa almani nna taadayo daama duuri hini ga hɛiyo wɔ kulu nna kwaara zaama gaabi nna binɛ gɔrɔ ka sinɛ hɛinnɔ kwarayo ɲwɛnɛ alkawali hini ga. Ka simma nna zaɲa ka mɛtɛ yaasi kwaara fɔ fɔ na ɲwɛnɛ almani siriyani.

Asariya waranka cini hinzantε (23)

BamEi gonna daama a ma gwei ka ǎ baa fisɔu. Ya nɔ binɛ n ga a cɛruma nna gwei zaŋEi.

BamEi munaafinsi baasi gonna gwei ka n tE banayom daama.

Ni ka n gwei tE kulu gonna banayom dei-dei daama ka a ba tO ni n ma n ɲwEnE iyaali kOto nna bEEnE bOŋO.

Bamɛi gonna daama a ma gweiteeriyo zogi taayom igwɛ safu jisi a binɛ ba hini ka a bɔŋɔ dam a fɔ ŋwaani ku na a bɔŋɔ bukaata fansayom ganna.

Asariya waranka cini taacintε (24)

BamEi gonna gwei hinanzobu nna hDDE daama gwei kEiyaniyom zaka nna gwei hinanzobu kuna banayom saa nna saa.

Asariya waranka cini guntε (25)

BaƐƐi gonna jisiri daama ka a ba hini ko ga ƆwaƆƆ alaafia nna a iyaali kulu cƆruma nna, zaƆ Ɔwaari, taafƆ, fuu nna baabuyom. Dee a bara sariti ya du ni ɔu binƆ gwei ya sara musiiba ya na n zeeri, zeenƆ nɔ, dee binƆ arooba fɔ ka a na ci n saabu a bara tilasi n ma duwa tƆƆ mako daama.

We i kunu kweiyo, koo ḡwɛɛrayo gonna tɛɛmako nna kulayom daama. Koo kulu ka nna hɛi hiije bɔŋɔ, ka du ka nam ŋa ka n hɛi hiije si  
bɔŋɔ nn kulu gonna kulayom daama.

Asariya waranka cini iduntε (26)

Bamɛi gonna couyom daama. Couyom di ma du ka bara tilasi faala ɓɗɗɗɗɗ za coubugu cɛɛnɛ ka kwei sasa wantɛyo kammɛ gwei dendeniyom

coubugu nɗa cɛrɛ hima n ma feeri bamani. Coubugu beeri n ma nɗa feeri nuɗu ka a hima.

Couyom di ma bara hεifɔ ka a mɔɔ feeriyom nna jiri ma nufi daama duuri hini ga a ma ci saabu suuru nna kwaasitεrε ma tεε dimiyo nna

adiiniyo binni laakari kaniyom nna wadaata ma tE bamEi sE.

Nyaa nna baabE gonna daama n ma couyo ka n baa fisDu n kōyo sE.

Asariya waranka cini iyentE (27)

Bɔrɔ kulu gonna daama a ma wuro a dimi taada kuna ka a hukumsi.

BamEi gonna daama taadayo kuna a ma a kaayom taago liiba ŋwaa; tila kaayom nɔ, ɔu hɔɔrE taagɔ.

Asariya waranka cini iyaakuntE (28)

Bɔrɔ kulu gonna daama a ma tE hEi ka kwaara nna kwaara binni, nuŋu birijiyom ma si. Laakari kaniyom nna bɔŋɔ mEiyom mo gono zaŋa ka nna beiyani bɔrɔ āduniya daama tila kuna a ma duka bara mɔɔriyantE.

Asariya waranka cini EgantE (29)

Bɔrɔ gonna tilasiyo zamani ka kuna a gono. Zamani di ka kuna a fɔlɔnku bɔrɔ tErE nna a jirima hini ka tE.

A daama nna a bɔŋɔ mEiyom looyom kuna nɔ sariya tikitE a sE a ma duwa ko bɔrɔ cinniyo daama nna n bɔŋɔ mEiyom bei n sE. MacErEsE mo gono bamEi sE.

N su ba hini ka daama nna bɔŋɔ mEiyo di loo ka na cii zaŋa ka yaasi āduniyakwaara diyayo marigayom na a jisi.

Asariya waranzantE (30)

Beiyanियom wɔ looyom ga siriya fɔ sii ka a ba nam kwaara fɔ su safu fɔ dee binE bɔrɔ ma tunu ka kɔɔnE ko ceeji gānna zamaa ma daama duuri nna bɔŋɔ mEiyom di ka n dam tila kuna saabu.